

Áššeovddideapmi

— Vuodđodokumeanta.
— Jorgaluvvon dokumeanta

Vuorkááššennr. 2019/249-8	Vuorká: 210	Áššemeannudeaddji: Marit Elisabeth Hætta Gaup	Dáhton: 05.11.2019
------------------------------	----------------	---	-----------------------

Lávd.áššennr.	Lávdegoddi:	Čoahkkindáhton:
	Suohkanstivra	
	Ovdagotti mearrádusevttohančoahkkin	

REHKETDOALLU 2. TERTIÁLA 2019

Mearrádusdiehtu sáddejuvvo dán čujuhussii:

- Finnmárkku ja Romssa Fylkkamánni
- Ekonomijakantuvra
- Ovttagat
- Dárkkisteaddji VEFIK IKS, Postboks 1023, 9503 Alta

Čujuhuvvo čuovvovážžii:

- Guovdageainnu suohkana ekonomijaplána 2019-2022
- Guovdageainnu suohkana ekonomijanjuolggadus 4.čuokkis

Mildosat:

Guovdageainnu suohkana rehketoallu 2. tertiála 2019

Ášši duogáš:

Ráđđeolmmái galgá Guovdageainnu suohkana ekonomijanjuolggadusaid čuoggá 4.1 mielde ovdanbuktit tertiálarehketdoalu 30. beavvi cuoŋománu ja 31. beavvi borgemánu ovddas. Tertiálaraporttas galgá ekonomalaš stáhtus ja ekonomijaplána mihttuid olaheapmi čilgehuvvot. Raporta galgá čilget stuorit spiehkastemiid ja evttohusaid movt njulget spiehkastemiid. Dasa lassin galget meroštallamat ja bušeahttadárbbut namuhuvvot, sihke investeremiid ja doaimma hárrái. Tertiálaraporttas mii čuovvu mielddusin lea juohke ovttagat vuđolaččat raporterens dáid beliid.

Árvvoštallan:

Doaimma ekonomijaplánas plánejuvvo olles jahkái. Boađus tertiálarehketdoalus lea govva bušeahttageavaheamis ovttá mearriduvvon dáhtonis, ii ge muital makkár bušeahttageavaheami lea olles jagi ektui. Danne berre várrogasat árvvoštallát bušeahttageavaheami guovtti vuosttaš tertiála doaimbabohtosa vuodul. Sisabođut eai boađe seamma áigodagas go golut. Danin bohtet álo gártat lunddolaš bušeahttaspiehkasteamiid gasku jagi. Vaikko tertiálarehketdoalus lea lunddolaš bušeahttaspiehkasteamiid de leat doaimmadárbbut rievdan, rievdadeamiid mat gáibidit eará vuogi mielde juohkit bušeahta. Rievdadandárbbut loktejuvvojit sierra áššin suohkanstivrii.

Netto doaibmaboađus 2. Tertiála 2019 lea 0,5 MNOK buoret go seamma áigodaga 2018is. Doaibmasisaboađut leat seamma dásis, muhto doaibmagolut leat lassánan 1,2% seammás go Ymber AS lea árabut máksán vuotodietnasa go diibmá.

Vaikko doaibmasisaboađut leat seamma dásis go diibmá 2018is, mii lea nugo dábálaš bušeahhtageavaheapmi láve leat, de leat vuordimis rievdadeamit mat gáibidit bušeahhtamuddema. Eanet detáljat leat čilgejuvvon bušeahhtamuddenáššis, muhto sáhtta namuhuvvot ahte refušuvnnat resursagáibideaddji geavaheddjiid ovddas ii boađe šaddat nu ollu go bušeterejuvvon.

Guokte vuosttaš tertiála leat mánja bušeterejuvvon boastta mat eai leat čađahuvvon. Guoská boasttaide nugo vurkejuvvon ruđaid geavaheapmi, geahpádusaide, doaibmarehketdollui sirdimat ja sirdimat foanddaide. Dábálaččat eai čađahuvvo dákkár boasttat ovdal jagi loahpas go rehketdoallogot lea gárvásat.

Mearrádusevttohus:

Suohkanstivra váldá vuhtii rehketdoalu 2.tertiála 2019.